

**J.P. MEĐUNARODNI AERODROM "SARAJEVO" D.O.O.**

Kurta Schorka 36, 71210 Sarajevo, Bosna i Hercegovina (PoBOX: 61)  
REGISTROVANO KOD OPĆINSKI SUD SARAJEVO, MBS 65-01-0419-11, JB 4200068970001, CARINSKI BROJ  
200068970001  
RAČUN: UNICREDIT BANK D.D. BIH, 3388902296481517

Vrsta dok.	Izdavač	RB
DOP	2 01	1188

Strana:  
1 od 1

Broj protokola: 02-1-04-F 1758-52/20

JAVNO

DATUM: 15.01.2021. god.

**PRIMALAC:**

C.I.A.K. AUTO d.o.o. Sarajevo  
EURO DAM JAS d.o.o. Lukavac  
PDS PROM d.o.o. Mostar i  
REAP d.o.o. Istočno Sarajevo

**PREDMET:** Obavijest: Nabavka robe – Akumulatori za aerodromsku mehanizaciju

Poštovani,

Na osnovu člana 71. Zakona o javnim nabavkama ("Službeni glasnik BiH", broj 39/14), obavještavamo vas da je, nakon okončane procedure prikupljanja ponuda za nabavku robe: Akumulatori za aerodromsku mehanizaciju, provedene metodom Konkurentski zahtjev, na prijedlog Komisije za provođenje postupka nabavke, Odlukom Uprave J.P. Međunarodni aerodrom "SARAJEVO" d.o.o. Sarajevo koja vam se dostavlja u prilogu, prihvaćena ponuda ponuđača PDS PROM d.o.o. Mostar za nabavku predmetne robe.

S poštovanjem,

v.d. DIREKTOR-a  
  
Alan Bajić

**DOSTAVLJENO:**

1. Ponuđačima
2. Upravi Društva
3. Sektoru komercijale
4. Sektoru tehnike i održavanja
5. Sektoru finansija
6. a/a





UPRAVA DRUŠTVA	Strana: 1 od 3
Broj protokola: 02-1-04-7-1758-51/20	JAVNO

Datum: 15.01.2021. god.

Na osnovu člana 70. Zakona o javnim nabavkama („Službeni glasnik BiH“, broj 39/14), a u vezi sa članom 21. stav (1) tačka 2) Pravilnika o nabavci roba, usluga i radova u J.P. Međunarodni aerodrom "SARAJEVO" d.o.o. Sarajevo i člana 45. Statuta J.P. Međunarodni aerodrom "SARAJEVO" d.o.o. Sarajevo, te na osnovu Izvještaja i preporuke komisije za provođenje postupka javne nabavke robe: Akumulatori za aerodromsku mehanizaciju, imenovane Rješenjem broj: 02-1-04-7-1758-17/20 od 18.05.2020. god., sačinjenog po dobivenom Rješenju Ureda za razmatranje žalbi Filijala Mostar, broj: JN-03-07-1-3464-8/20 od 23.12.2020. god., Uprava J.P. Međunarodni aerodrom "SARAJEVO" d.o.o. Sarajevo na 29. sjednici održanoj dana 15.01.2021. god., donosi

## ODLUKU

### I

Prihvata se ponuda ponuđača PDS PROM d.o.o. Mostar, za nabavku robe: Akumulatori za aerodromsku mehanizaciju, na period od dvije godine, zavedena na protokol Naručioca pod brojem: 06-04-7-1758-16/20 od 19.05.2020. god., koji je ponudio cijenu u iznosu od 29.990,00 KM, bez PDV-a.

### II

Po proteku rokova za reviziju Naručilac će pozvati izabranog ponuđača radi zaključivanja ugovora o nabavci robe iz tačke I ove Odluke, kojim će se regulisati međusobna prava i obaveze ugovornih strana.

### III

Izabrani ponuđač je, u roku od 7 (sedam) radnih dana od dana prijema Obavijesti i Odluke o izboru najpovoljnijeg ponuđača, dužan dostaviti Naručiocu u skladu sa dostavljenom Izjavom, originalnu ili ovjerenu kopiju dokumenta iz člana 45. Zakona o javnim nabavkama, koja nije starija od 90 dana od dana dostavljanja ponude.

## Obrazloženje

Postupajući u skladu sa članom 18. Zakona o javnim nabavkama, a u cilju izbora najpovoljnije ponude za nabavku robe: Akumulatori za aerodromsku mehanizaciju, na period od dvije godine, direktor J.P. Međunarodni aerodrom "SARAJEVO" d.o.o. Sarajevo donio je Odluku o pokretanju postupka nabavke predmetne robe, broj: 02-1-04-7-1758-3/20 od 16.03.2020. god., a Rješenjem broj: 02-1-04-7-1758-17/20 od 18.05.2020. god., imenovao Komisiju za provođenje postupka nabavke.

U skladu sa navedenom Odlukom, Naručilac je objavio obavještenje o nabavci na portalu javnih nabavki, broj obavještenja: 246-7-1-242-3-60/20 od 02.04.2020. god. Do ostavljenog roka za predaju ponuda, 19.05.2020. god., do 12,00 sati, na adresu Naručioca ponude su dostavila 4 (četiri) ponuđača, i to: C.I.A.K. AUTO d.o.o. Sarajevo, EURO DAM JAS d.o.o. Lukavac, PDS PROM d.o.o. Mostar i REAP d.o.o. Istočno Sarajevo.

Komisija za javne nabavke provela je postupak izbora najpovoljnije ponude za nabavku predmetne robe i predložila Upravi J.P. Međunarodni aerodrom "SARAJEVO" d.o.o. Sarajevo izbor ponude ponuđača REAP d.o.o. Istočno Sarajevo kao najpovoljnije ponude, što je Uprava J.P. Međunarodni aerodrom "SARAJEVO" d.o.o. Sarajevo prihvatila i donijela Odluku o izboru, broj: 02-1-04-7-1758-29/20 od 29.06.2020. god. Na predmetnu Odluku ponuđač EURO DAM - JAS d.o.o. Lukavac izjavio je žalbu, koja je Rješenjem Ureda za razmatranje žalbi Filijala Mostar broj: JN2-03-07-1-17359/20 od 27.08.2020. god. djelimično usvojena kao osnovana i predmet vraćen ugovornom organu na ponovni postupak, tačnije na ponovni pregled ponuda.

U ponovnom postupku, na prijedlog Komisije Uprava J.P. Međunarodni aerodrom "SARAJEVO" d.o.o. Sarajevo donijela je novu Odluku broj: 02-1-04-7-1758-42/20 od 09.11.2020. god., o izboru ponude ponuđača C.I.A.K. AUTO d.o.o. Sarajevo kao najpovoljnije ponude, koji je nakon ponovno provedene e – aukcije ponudio najnižu cijenu u iznosu od 15.996,24 KM. Ponuđač EURO DAM – JAS d.o.o. Lukavac ponovno uložio žalbu na predmetnu Odluku, koja je Rješenjem Ureda za razmatranje žalbi Filijala Mostar, broj: JN2-03-07-1-3464-8/20 od 23.12.2020. god. ocijenjena kao djelimično osnovana, a ponude najpovoljnijeg ponuđača i žalitelja je okarakterisao kao formalno – pravno neispravne.

Imajući u vidu činjenicu da je u dosadašnjim žalbenim postupcima, Ured za razmatranje žalbi tri ponude ocijenio formalno pravno neispravnim, Komisiji je u ponovnom postupku ostala jedino moguća opcija da tu činjenicu ponovno konstatuje kroz Zapisnik o pregledu i ocjeni ponuda i Izvještaj komisije koji dostavlja Upravi J.P. Međunarodni aerodrom "SARAJEVO" d.o.o. Sarajevo, na odlučivanje.

-Komisija je ponovnim pregledom ponude ponuđača C.I.A.K. AUTO d.o.o. Sarajevo, konstatovala da njegova ponuda ispunjavala uslov „neprirodno niske ponuđene cijene“, pa je ugovorni organ postupajući u skladu sa članom 66. ZJN BiH i članom 17. Uputstva za pripremu modela tenderske dokumentacije i ponuda, izdanu od strane Agencije za javne nabavke BiH - Provjera računске ispravnosti ponude i objašnjenje neprirodno niske cijene, pod (7) Ugovorni organ obavezno od ponuđača traži objašnjenje cijene ponude koju smatra neprirodno niskom ako su ispunjeni slijedeći uslovi: a) cijena ponude je za više od 50% niža od prosječne cijene preostalih prihvatljivih ponuda, ukoliko su primljene najmanje tri prihvatljive ponude, ili b) cijena ponude je za više od 20% niža od cijene drugorangirane prihvatljive ponude, od ovog ponuđača zahtijevao pojašnjenje dostavljene cijene ponude.

Od ovog ponuđača je zahtijevano da ugovornom organu dostavi pismeno osnovano obrazloženje i detaljne informacije o relevantnim sastavnim elementima ponude, uključujući elemente cijene, odnosno razloge ponuđene cijene. Do ostavljenog roka 12.06.2020. god. do 12,00 sati, ponuđač je dostavio odgovor te dao razumno prihvatljivo obrazloženje da je od 2011. god. uvoznik i distributer Akumulatora Varta /poizvođač Johnosnon Controls/ za područje Bosne i Hercegovine, da je ponudio tržišnu cijenu Akumulatora, što se može provjeriti na tržištu, iz kojih razloga je mogao dati ponuđene cijene sa rabatom od 40%, a sve je podkrijepio dostavljanjem validnog Cjenovnika ponuđene robe iz računovodstvenog sistema.

Imajući u vidu naprijed navedeno, Komisija je dostavljeno objašnjenje prihvatila kao osnovano.

Također, od ponuđača je pismenim putem zatraženo da pojasni dostavljene Potvrde o dobro izvršenim poslovima, zahtjevane tačkom 2.1. Tenderske dokumentacije, jer nije jasno i precizno nagašeno mjesto izvršenja ugovora. Radilo se o dvije potvrde izdate od strane firmi VES-PROM d.o.o. Sarajevo i MOTORIO TR. Sarajevo, obadvije firme su sa sjedištem u Sarajevu, izdate na mnogo veće iznose od traženih 15.000,00 KM. Na postavljena pitanja ponuđač je pozitivno odgovorio u za to predviđenom roku, te naveo da poslovni subjekti koji su izdali potvrde nemaju registrovanih poslovnih jedinica, i da su njihova poslovna sjedišta u Sarajevu, gdje je predmetna roba isporučivana u milionskim iznosima. Imajući u vidu činjenicu da su dostavljene potvrde imale sve tražene podatke osim mjesta isporuke, a da je ponuda ovog ponuđača bila najjeftinija i da je ispunjavala sve tražene tehničke karakteristike, na osnovu dobivenog pojašnjenja potvrda, konstatovano je da je roba isporučena u Sarajevu. Uz dostavljeno pojašnjenje, ponuđač je dostavio i nove potvrde o dobro izvršenim poslovima sa jasno preciziranim mjestom isporuke robe. Putem Agencije za javne nabavke provedena je e-aukcija, nakon čega je donesena Odluka Uprave J.P. Međunarodni aerodrom „SARAJEVO“ d.o.o. Sarajevo, broj: 02-1-04-7-1758-42/20 od 09.11.2020. god., o izboru ponude ponuđača C.I.A.K. AUTO d.o.o. Sarajevo, koji je ponudio najnižu cijenu predmetne robe u iznosu od 15.996,24,00 KM, bez PDV-a.

Na ovu Odluku, ponuđač EURO DAM-JAS d.o.o. Lukavac ponovno izjavljuje žalbu, koja je od strane Uprave J.P. Međunarodni aerodrom „SARAJEVO“ d.o.o. Sarajevo ocijenjena neosnovanom i upućena Uredu za razmatranje žalbi Filijala Mostar na rješavanje.

Ured za razmatranje žalbi Filijala Mostar donosi novo Rješenje broj: JN-03-07-1-3464-8/20 od 23.12.2020. god., po žalbi EURO DAM-JAS d.o.o. Lukava, kojim potvrdu o dobrom izvršenju ugovora dostavljenu od strane ponuđača C.I.A.K. AUTO d.o.o. Sarajevo ocijenjuje kao neispravnu, navodeći da potvrda o dobro izvršenom poslu nije dostavljena u skladu sa zahtjevima Tenderske dokumentacije, tačka 2.1. j) jer u prvobitno dostavljenoj potvrdi nije navedeno mjesto izvršenja usluge, iako je ponuđač učinio napore i dostavio prihvatljivo pojašnjenje i nove potvrde.

Imajući u vidu naprijed navedeno, Komisija je ovu ponudu ocijenila formalno-pravno, neispravnom i neprihvatljivom za Naručioca.

-Pregledom ponude ponuđača EURO DAM - JAS d.o.o. Lukavac, Komisija konstatuje da je ponuđač dostavio nepotpuno popunjen obrazac za cijenu ponude, naime kolona 3. Zemlja porijekla, stavka 39. nije popunjen, shodno Aneks II, Napomena: U kolonu 3 „Zemlja porijekla“ treba pisati državu iz koje roba dolazi (npr. BiH, Makedonija, Njemačka), a ne regiju ili regionalni sporazum (npr. EU, CEFTA). Ponude u kojima ne bude pravilno popunjena kolona 3 će biti odbijene. Ponuđač je kolonu samo prekrizio.

Rješenjem Ureda za razmatranje žalbi Filijala Mostar, broj: JN-03-07-1-3464-8/20 od 23.12.2020. god, nakon prijema žalbe ovog ponuđača, ova činjenica je potvrđena da ovaj ponuđač nije popunio stavku 39. u Obrascu za cijenu ponude „Zemlja porijekla“.

Imajući u vidu naprijed navedeno, Komisija je ovu ponudu ocijenila formalno-pravno, neispravnom i neprihvatljivom za Naručioća.

-Pregledom ponude ponuđača REAP d.o.o. Istočno Sarajevo, Komisija je konstatovala da ponuđač nije dostavio ponudu u skladu sa Tenderskom dokumentacijom, tačnije nije dostavio ponudu shodno članu 3. Zahtjevi po pitanju jezika, gdje je navedeno: Prateća dokumentacija i štampana literatura koju dostavi dobavljač mogu biti napisani na drugom jeziku, u međunarodnoj upotrebi, pod uslovom da se uz njih dostavi zvaničan prijevod relevantnih dijelova na jeziku na kojem je napisana ponuda. Ponuđač je dostavio tehničke specifikacije i kataloge proizvoda, ali svi dostavljeni dokumenti nisu na jednom od jezika koji su u službenoj upotrebi u BiH. Konstatovano je da ovaj ponuđač nijeispoštovao uslov TD, član. 2.1 pod h).

S obzirom na naprijed navedeno, Komisija je ovu ponudu ocijenila formalno-pravno, neispravnom i neprihvatljivom za Naručioća.

-Pregledom ponude ponuđača RDS PROM d.o.o. Mostar, Komisija je konstatovala da je ova ponuda dostavljena u skladu sa zahtjevima Tenderske dokumentacije, i do sada nije bila predmetom žalbi, pa je ocijenjena formalno – pravno, računski i tehnički ispravnom i prihvatljivom za Naručioća.

Za ovaj postupak nabavke bila predviđena e – aukcija, koja nije provedena zbog prijema samo jedne prihvatljive ponude, a ponuđač RDS PROM d.o.o. Mostar je ponudio najvišu cijenu za predmetnu nabavku u iznosu od 29.990,00 KM, bez PDV-a.

Imajući u vidu naprijed navedeno, Komisija je predložila Upravi J.P. Međunarodni aerodrom "SARAJEVO" d.o.o. Sarajevo da se ugovor za predmetnu nabavku dodijeli ovom ponuđaču, čija je ponuda jedino ocijenjena formalno pravno ispravnom i prihvatljivom za Naručioća.

Uprava J.P. Međunarodni aerodrom "SARAJEVO" d.o.o. Sarajevo je razmotrila dostavljenu preporuku Komisije na 29. sjednici održanoj dana 15.01.2021. god., te je nakon uvida u provedeni postupak nabavke, prihvatila prijedlog Komisije, i na osnovu člana 64., a u vezi sa članom 89. stav (3) Zakona o javnim nabavkama, donijela Odluku kao u dispozitivu.

**POUKA O PRAVNOM LIJEKU:** Protiv ove Odluke može se izjaviti žalba Uredu za razmatranje žalbi. Žalba se podnosi putem ugovornog organa, J.P. Međunarodni aerodrom "SARAJEVO" d.o.o. Sarajevo, u pisanoj formi, direktno, elektronskim putem ili preporučeno poštanskom pošiljkom, u 3 (tri) primjerka, i to u roku od 5 (pet) dana od dana prijema Odluke.

v.d. DIREKTOR-a

Alan Bajić

Prilog: Zapisnik o pregledu i ocjeni ponuda

**DOSTAVLJENO:**

1. Ponuđačima
2. Upravi Društva
3. Sektoru komercijale
4. Sektoru finansija
5. Sektoru za PKO poslove
6. a/a